

Luklik tiid

Blick ins Buch



Üljje än naiere bjærnerime än hu dächte doertu
soomeld untli schraawen foen Albrecht Johannsen

En uurd forouf

En luklik tid wanske we åle bjarne än wåksne ma daheere rime än dächte. Sam san üülje följsrime, wat Albrecht Johannsen soomeld än apschraawen heet, sam heet'r seelew dächted aw di for ham sü äine nate wise. Åle stöögne kaame üt en hoonschaft, wat et Nordfriisk Instituut lung önj ferwååring hädj heet än wat üt tou pårte bestoont. Da rime üt dåt jarst pårt san ål iinjsen ütdänj worden önj dåt latj bök „Bjarnewråål“, da rime än dächte üt dåt ouder pårt san for da mååste was nai.

Ouerdåt dātheer en bök for bjarne weese schal, as er wat frier ma e hoonschaft amgingen as ouers. E indiiling as nai, da stöögne san heer än deer en lait beårbed, än änkele rime san ütleet. Baibehülen as ouers e Weestermooringer språkwise, wat jüst sün tu Albrecht Johannsen hiirt as sin dächte seelew.

Bjarnerime wjarn for Albrecht Johannsen ferbünen ma en „luklik tid“. Di tiitel heet'r ham önjtmanst seelew wansched, än as ferteeler, dächter än schöljmäister köö'r sü'n fäil uk widerdüünj. Ik hoow, dåt et üs ma diheere ütgoowe uk luket, bjarne än ålerne hu fernäide stüne tu schånken. We san önjtmanst ordi fernäid, dåt we ma Anna Lena Straube en tiikner fünen hääwe, wat et bök ma har fantasiirike än duch klååre bile südänji ütstafiird heet, dåt e rime deerdöör jarst fåli tu jare rucht kaame.

Dåt et bök ouerhood ma bile foon en tiikner ütkaame köö, as Sieglinde Johannssen tu fertunken. Harn wansch wus't ål lung, åle rime foon harn taatje nai üttodouen, än dåt as nü ma heelp foon har än foon oudere loked. En gruten tunk seede we deeram uk tu Ministerpräsidentin Heide Simonis, e Hagemann Stiftung, e Kulturstiftung des Kreises Nordfriesland än e Albrecht-Johannsen-Fonds. Ai tuleest en tunk tu Prof. Dr. Thomas Steensen än Marlene Bierbach, wat me mat praktisch årbe trinamt pränten hülpen hääwe.



Goodens hân,
flii tut sööden,
flii tut nord,
flii tut aast,
flii tut weest,
flii haane, weer min luk
as ulerbeest!